

Headline **Jangan jadikan Aids di Kelantan polemik politik**  
Date **24 Sep 2011**  
MediaTitle **Berita Harian**  
Section **Nasional**  
Journalist **N/A**  
Frequency **Daily**  
Circ / Read **192,982 / 1,521,000**

Language **Malay**  
Page No **12**  
Article Size **63 cm<sup>2</sup>**  
Color **Black/white**  
ADValue **1,784**  
PRValue **5,352**



## 'Jangan jadikan Aids di Kelantan polemik politik'

**K**UALA LUMPUR: Majlis AIDS Malaysia (MAM) menggesa semua pihak tidak menjadikan epidemik Aids/HIV di Kelantan sebagai polemik politik sebaliknya bersatu dalam membanteras penularan virus itu.

Presiden MAM, Tan Sri Zaman Khan, berkata pemimpin harus menyedari hakikat situasi Aids/HIV di Kelantan hanya dapat ditangani melalui tindakan pragmatik pihak berwajib dengan segera.

"Menuding jari kepada pihak tertentu cuma memperlecehkan usaha pencegahan yang dijalankan di Kelantan," katanya dalam kenyataan di sini, semalam.

Mengikut sumber Kementerian Kesihatan Malaysia (KKM), Kelantan mencatat kadar HIV tertinggi di Malaysia tahun lalu iaitu 28.8 kes untuk setiap 100,000 penduduk. Kadar itu dua kali ganda lebih tinggi berbanding kadar insiden kebangsaan iaitu 12.9 kes setiap 100,000 penduduk.

Zaman berkata, MAM menjalin kerjasama strategik dengan pihak berwajib di negeri itu untuk meningkatkan kesedaran mengenai HIV di kalangan penduduk tempatan.